

四庫全書

經部

欽定四庫全書

經部

經禮補逸卷一至

詳校官監察御史臣李陽城

侍讀臣孫球覆勘

總校官檢討臣何思鈞

校對官中書臣宋枋遠

謄錄監生臣王露

欽定四庫全書

經部四

經禮補逸

禮類二 儀禮之屬

提要

臣等謹案經禮補逸九卷元汪克寬撰克寬

字德輔祁門人泰定丙寅舉於鄉元亡不仕

明初徵修元史以老疾辭歸洪武五年卒於

家事迹具明史儒林傳是書取儀禮周官大

小戴記春秋三傳以及諸經之文有涉於禮

者以吉凶軍賓嘉五禮統之吉禮之目六十
有八凶禮之目五十有七軍禮之目二十有
五賓禮之目十有三嘉禮之目二十有一而
以禮經附說終焉克寬究心道學於禮家度
數非所深求於著書體例亦不甚講如每條
必標出典是矣乃一類之中條條連綴書之
合為一篇文相屬而語不屬遂參差無緒又
此書實考典文非考故事乃多載春秋失禮

之事雜列古制之中如祠禮之昭公十五年
有事于武宮嘗禮之桓公十四年壬申御廩
災己亥嘗烝禮之桓公八年正月五月再烝
大閱禮之桓公六年秋八月大閱朝禮春秋
之書朝三十六遇禮隱公四年公及宋公遇
于清會禮之春秋書會九十五錫命禮之莊
公三年王使榮叔錫桓公命燕饗禮之莊公
四年夫人饗齊侯于祝邱尚畧繫以論說糾

正其謬至於禘嘗禮之文公二年躋僖公又諸侯大禘禮亦引此條賻賵禮之隱公元年宰咺歸惠公仲子之賵三年武氏子來求賻襚禮之襄公二十八年楚人使公親襚會葬禮之襄公二年諸姜宗婦來送葬皆失禮之尤乃臚列其文不置一語不幾使讀者謂古禮當如是乎至於祭寒暑禮下詆鄭康成徒見木鐸徇令一節與夏書孟春合遂指正月

為夏正似未見隋書經籍志載康成注書祇
有二十九篇王居明堂禮謂月令為漢儒所
作指為呂不韋作者不知何據似未見呂氏
春秋有十二月紀亦殊疏漏程敏政篁墩集
有書是書後曰環谷汪先生著書凡十餘種
先生既沒悉被一人竊去攘為己書經禮補
逸一編尤為精確乃百計購得之其原本雖
被改竄然有附麗而無剋補真贋之迹皦然

甚明先生元孫文彙等力圖刊布因為手校
且摹先生之像於編首別為附錄一卷云云
此本有附錄關文行狀之類而無其像亦無
敏政此跋或後人別得改竄之本刻之歟以
其元人舊帙議論尚不失醇正姑存以備一
家焉乾隆四十六年十月恭校上

總纂官臣紀昀 臣陸錫熊 臣孫士毅

總校官 臣陸費墀

經禮補逸原序

六籍之闕也久矣而禮為甚漢興區區掇拾於秦火之餘而淹中古經旋復散失所存者十有七篇而已周官雖後出而司空之篇竟莫得補二戴所傳又往往雜以秦漢之紀然則學者之欲覩夫成周三千三百之目之全固亦難矣宜乎其學之寥寥而莫講也雖以韓子之賢尚苦難讀而謂於今誠無所用矧他人哉至宋慶厯元祐諸儒先後慨然有志於復古及朱子乃始斷然謂

周禮為禮之綱儀禮其本經而禮記其義疏於是創為
條目科分臚列出入經傳補其遺闕以為王朝邦國家
鄉學禮而喪祭二禮則以屬門人黃氏其有功於學者
甚大然其書浩博窮鄉晚進有未易以遽究者祁門汪
先生德輔父問嘗因其成法別為義例以吉凶軍賓嘉
五禮之目會粹成書名曰經禮補逸辭約而事備讀者
便焉學禮之士誠能因汪氏之所緝以達於朱子之書
則三千三百之目雖不可復覩其全然郁郁乎文之盛

豈不若身履而目擊之矣乎昔者竊聞之禮樂之在天
下有君無臣則不能以明制作之本臣能而君不之好
則議論無益於當時必有大有為之君而復有善制作
之臣因治定功成之餘以明中和之化而後禮樂之興
可必然則此其時也惜乎先生老且病矣明良在上寧
不有徵於斯文矣乎先生生朱子之鄉嘗游番易吳公
可翁之門篤志古學老而彌厲著書滿家真古所謂鄉
先生者也間出是書以相視且謂先人與吳公為同志

友故仲序焉魯於先生無能為役然承命不敢辭也洪武二年歲在己酉秋八月下泮臨江曾魯序

自樂亡而經行於世惟五易詩書春秋雖中不無殘闕而未若禮經甚焉然三百三千不傳蓋十之八九矣朱子嘗考定四經謂三禮體大未易緒正晚年惓惓是書未就而沒遂為萬世缺典克寬伏讀而加惋惜焉世之三禮所傳曰周禮曰儀禮曰禮記其實禮記乃儀禮之傳儀禮乃周禮之節文而三禮之要則在乎吉凶軍賓

嘉五禮之別也何則吉禮之別十有二以禋祀祀昊天上帝以實柴祀日月星辰以禋燎祀司中司命觀師雨師以血祭祭社稷五祀五嶽以貍沈祭山林川澤以鬴辜祭四方百物以肆獻裸享先王以饋食饗先王以祠春饗先王以禴夏饗先王以嘗秋饗先王以烝冬饗先王凶禮之別有五以喪禮哀死亡以荒禮哀凶札以弔禮哀禍哉以禴禮哀圍敗以恤禮哀寇亂賓禮之別有八春見曰朝夏見曰宗秋見曰覲冬見曰遇時見曰會

殷見曰同時聘曰問殷頌曰視軍禮之別有五以大師之禮用衆以大均之禮恤衆以大田之禮簡衆以大役之禮任衆以大封之禮合衆嘉禮之別有六以飲食之禮親宗族兄弟以昏冠之禮親成男女以賓射之禮親故舊朋友以饗燕之禮親四方之賓客以脰膾之禮親兄弟之國以賀慶之禮親異姓之國此其大較也然儀禮十有七篇吉禮之存惟特牲饋食篇乃諸侯國之士祭祖廟之禮少牢饋食及有司徹篇乃諸侯卿大夫祭

祖禰廟之禮凶禮之存唯喪服篇乃制尊卑親疎冠經衣服之禮士喪禮篇乃士喪其親自始死至既殯之禮士虞禮篇乃士既葬其親迎精而反日中而祭於殯宮之禮賓禮之存唯士相見禮篇乃士以職位相親始承贄相見之禮聘禮篇乃諸侯相交久無事使相問之禮覲禮篇乃諸侯秋朝天子之禮嘉禮之存唯冠禮篇乃士之子始加冠之禮士昏禮篇乃士娶妻之禮鄉飲酒禮乃鄉大夫賓興賢能飲酒之禮鄉射禮篇乃士為州

長會民射於州序之禮燕禮篇乃諸侯燕饗其臣之禮
大射儀篇乃諸侯將有祭祀之事與羣臣燕飲之禮公
食大夫禮篇乃諸侯以禮食隣國小聘大夫之禮自此
之外如朝覲會同郊祀大饗帝大喪之禮蓋皆亡逸况
軍禮無存非闕細故此豈散佚已在於夫子正禮之前
哉是以當時吉禮之失如魯君之郊僭天子之禮孟獻
子之禘七月而為之夏父弗綦躋僖公而逆祀三桓大
夫立公廟於私家常仲鏤簋朱紘晏平仲豚肩不掩豆

至於太廟說笏與燔柴於奧諸侯宮縣而祭以白牡之類是也凶禮之失如伯魚喪出母期而猶哭子路姊喪過而弗除子上之母死而不喪成人兄死不為衰有為慈母練冠為妾齊衰者有居喪沐浴佩玉與浴於爨室者有朝祥暮歌與既祥而絲屨組纓者以至小歛而奠於西方既祖而反柩受弔有以大夫而遣車一乘有葬其夫人而醯醢百甕之類是也賓禮之失如天子下堂而見諸侯諸侯朝覲而私覲主國王臣以私好而朝諸

侯者有焉諸侯以强大而盟天子之三公者有焉庭燎
之百侯國用之繡黼丹朱中衣大夫用之者又有焉嘉
禮之失如魯昭公娶於吳則不告天子魯哀公為重肆
夏以饗賓天子以喪賓燕者有之夫人出境而饗諸侯
者有之大夫反玷與不識殽烝者又有之軍禮之失如
齊桓公亟舉兵作偽主以行魯莊公及宋戰以失御而
敗戰而復矢始於升陘敗而髻弔始於臺鮒以至蒐田
不時丘甲始作之類可考也又況出師專征習視故常

事地黷武歲無虛日使禮經舊典具存於當時則五禮之失豈至如是之甚哉由是知周之叔世禮典已多散逸蓋不特火於秦而亡於漢也今考於儀禮周官大小戴記易詩書春秋傳孝經家語及漢儒紀錄凡有合於禮者各著其目列為五禮之篇名曰經禮補逸是編也於周公經世之典雖未能極意象之微然五禮之大體蓋略已舉無遺庶幾學者於此俾由得失以觀其會通而天之所秩與造化之運不容息者卒歸於性命之正

則三代可復也明時制作之盛或有擇焉亦區區愛禮
之一得云新安汪克寬序

欽定四庫全書

經禮補逸卷一

元 汪克寬 撰

吉禮

郊祀

禮器因天事天祀帝於郊敬之至也 周禮大祝辨六

號一曰神號凡大禋祀則執明水而號祝隋饗逆牲

逆尸令鐘鼓右亦如之來瞽令韋舞相尸禮既祭令徹

太牢祀五帝則掌百官之誓戒與其具修前期十日帥

執事而卜日遂戒及執事眡滌濯及納亨贊王牲事及
祀之日贊玉幣爵之事祀大神元亦如之大宗伯凡祀大
神祭大元帥執事而卜日宿眡滌濯泣玉鬯省牲鑊奉
玉盥詔大號治其大禮詔相王之大禮若王不與祭祀
則攝位小宗伯凡祀大神祭祀省牲眡滌濯祭之日逆
盥省鑊祭法祭天燔柴於泰壇用騂犢祭統及時將祭
君子乃齊散齋七日致齋三日司服掌王之吉服王祀
昊天上帝則服大裘而冕司裘掌為大裘以供王祀天

之服大宗伯以玉作六器以禮天地四方以蒼璧禮天
牲幣放其器之色典瑞掌玉瑞玉器之藏四圭有邸以
祀天玉人之事天子圭中必四圭尺有二寸以祀天鼓
人以雷鼓鼓神祀大司樂以六律六同五聲八音六舞
大合樂以致鬼神示乃分樂以序之以享以祀乃奏黃
鍾歌大呂舞雲門以祀天神凡樂六變而致象物及天
神園鍾為宮黃鍾為角大簇為徵姑洗為羽靈鼓靈鼗
孤竹之管雲和之琴瑟雲門之舞冬日至於地上之圜

丘奏之若樂六變則天神皆降可得而禮矣禮運故禮
行於郊而百神受職焉禮器因地事地凡以神仕者掌
三辰之法以猶鬼神永之居辨其名物以冬至致天
神人鬼大祝辨六號三曰永號凡祭永則執明水火而
號祝隋轡逆牲逆尸令鐘鼓右亦如之來瞽令臯舞相
尸禮既祭令徹大牢祀大永則掌百官之誓戒與其具
脩前期十日帥執事而卜日遂戒及執事眡滌濯及納亨
贊王牲事及祀之日贊玉幣爵之事大宗伯祭大永帥

執事而卜日宿眡滌濯泣玉鬯省牲鑊奉玉盥詔大號
治其大禮詔相王之大禮若王不與祭祀則攝位祭法
祭地瘞埋於泰折用騂犢大宗伯以黃琮禮地牲幣放其
器之色典瑞兩圭有邸以祀地玉人之事兩圭五寸有
邸以祀地大司樂以六律六同五聲八音六舞大合樂
以致鬼神示乃分樂而序之以享以祀乃奏大簇歌應
鍾舞咸池以祭地示一變而致羽物及川澤之示再變
而致羸物及山林之示三變而致鱗物及丘陵之示四

變而致毛物及墳衍之元五變而致介物及土元凡樂
函鍾為宮大簇為角姑洗為徵南呂為羽靈鼓靈鼗絲
竹之管空桑之琴瑟咸池之舞夏日至於澤中之方丘
奏之若樂八變則地元皆出可得而禮矣

愚案大司樂六奏六歌之說奏以陽聲歌以陰聲聲
之陰陽各有合則得其和矣如祀天圜丘以圜鍾為
宮圜鍾即夾鍾也夾鍾主房星昴位為天帝明堂故
為天之宮祭地方丘以函鍾為宮函鍾即林鍾也林

鍾主井鬼未坤之位而天社在井鬼之外天社地神也故為地之宮他如宗廟之中以黃鍾為宮黃鍾主虛危子位為宗廟故為人之宮此三宮取義明矣然而夾鍾為宮者黃鍾為角太簇為徵姑洗為羽林鍾為宮者太簇為角姑洗為徵南呂為羽黃鍾為宮者大呂為角太簇為徵應鍾為羽究其所以取角徵羽者與黃鍾正宮夾鍾林鍾旋宮之法皆不相應鄭註仍從隔八相生之序求之不合則有辟之不用之說

竟未明切蓋夾鍾而下以黃鍾大簇姑洗為用者取陽律之相次也天尚道故取其次之自然也林鍾而下以大簇姑洗南呂為用者取律呂之相生也地尚功故取其功之所生也黃鍾而下以大呂大簇應鍾為用者取律呂之相合也人尚情故取諸相合情之所感也大抵五聲初無定用不過從其律之長短以分聲之清濁而後協其序耳其於五聲獨不言商者何商屬金有剛堅殺伐之聲祭尚柔樂尚和故不用

耳

書召誥越翼日戊午社于新邑禮器郊之祭也迎長日
之至也大報天而主日也兆於南郊就陽位也掃地而
祭於其質也器用陶匏以象天地之性也於郊故謂之
郊牲用騂尚赤也用犢貴誠也郊之用辛也周之始郊
日以至曲禮天子祭天地歲徧疏曰地神有二歲有二
祭夏至之日祭崑崙之
神於方澤一也夏正之月祭神州地祇於北郊二也或
云建中之月祭之與郊天相對其配地之神孝經緯既
云后稷為天地之主則后稷配天南郊又配
地北郊則周人以嚳配間丘亦當配方澤也

王制祭天

地之牛角繭栗喪三年不祭唯祭天地商書昭告于上

天后土周書告于皇天后土月令季秋上丁命樂正入

學習吹

為將享祭也春秋重舞秋冬重吹

是月也大饗帝

此大享與帝連文故曰祭

天詩思文后稷克配彼天周頌我將我享維羊維牛維

天其右之既右享之我其夙夜畏天之威于時保之

愚案韓子謂郊焉而天神格廟焉而人鬼享我將之

詩於天言庶其降鑒於文王則直曰既右享之蓋上

帝之尊冀其來降有不敢必文王之親則必其來享

也尊尊親親之道非周公其孰能知乎

樂記祀乎明堂而民知孝孝經昔者周公郊祀后稷以配天宗祀文王於明堂以配上帝是以四海之內各以

其職來祭

諸侯脩其職來助祭

程子曰萬物本乎天人本乎祖故冬至祭天而以祖配之以冬至氣之始也萬物成形於帝而人成形於父故季秋享帝而以父配之以季秋成物之時也陳氏曰天即帝也郊而曰天所以尊之也故以后稷

配焉后稷遠矣配稷於郊亦以尊稷也明堂而曰帝所以親之也以文王配焉文王祖也配文王於明堂所以親文王也尊尊而親親周道備矣然則郊者古禮而明堂周制也 楊氏曰郊祀配天明堂配上帝天與上帝一也祀上帝如郊祀然月令有大亨之文我將之詩有維羊維牛之語則明堂之禮為尤備致堂胡氏曰明堂雖見於孝經孟子詩與禮記其制之詳不可得而聞矣後世紛紛之論以理考之先王舉

事動可為憲必不如後世之妄作耳王者向明而治古之堂今之殿也孝經以為宗祀之所孟子以為王政之堂然則是人君之路寢猶後世大朝會之正衙也王者朝羣臣覲諸侯頒朔布政皆於是焉故曰欲行王政則勿毀也則何以於此宗祀文王已有廟矣以季秋享帝而奉文王配焉不可於七廟中獨舉大禮於一廟故迎主致之明堂以配帝也祭帝必於明堂者帝出震而宰萬物猶向明而治天下也

春秋傳

宣公三年
公羊傳

養牲養二卜帝牲不吉則扳稷牲

而卜之帝牲在于滌三月於稷者唯具是視

案滌官名
養帝牲三

牢之處也謂之滌者取其蕩滌潔清也三牢者各主一月取三月一時足以充其天性

又曰郊則

曷為必祭稷王者必以其祖配王者則曷為必以其祖配自內出者無匹不行自外至者無主不止大戴禮公冠篇祝辭皇皇上天照臨下土集地之靈降甘風雨庶物資生各得其所靡今靡古維予一人某敬拜皇天之佑古祝辭則云祀王某或一人某王者親告之辭也

愚案郊祀天地之禮後世有分祭合祭之異論者紛如參之舜典類于上帝類本非常祀也舜以受終而祭告于天其禮依郊祀為之故曰類蓋類帝之中并及天地故下文止以六宗山川羣神言而不及地矣又若歲四方巡守柴望秩于山川蓋亦燔柴祀天之中并及於地故下文直以山川言而不及地矣使類柴之外皆不及地而遽望于山川舉小遺大可乎武成柴望大告武成周頌巡守告祭柴望其禮皆然故

望者郊之微也不郊猶望春秋譏之大抵祭各從其所主主尊則可以統卑主卑則不可以屈尊如祀五帝於四郊則各從其方之帝為主而不及昊天矣禮地亦然足知祭天必及地者尊可以統卑也初無所謂合祭禮地不及天者卑不可以屈尊也初無所謂分祭曰合曰別則由新莽一時之異議其流至於漢五時之弊甚非古制而無合於聖人制禮之本惜哉

郊祀禋禮

月令仲春之月以太牢祀于高禩天子親往后妃帥九嬪御乃禮天子所御帶以弓襍授以弓矢于高禩之前姜嫄從帝而祀於郊禩簡狄從帝而祈于郊禩

朱子曰古者立

郊禩蓋祭天於郊而以先禩配也變媒言禩者神之也

愚案郊高禩之高謂尊之之稱郊禩之郊謂古有媒氏被除之祠位在南郊祀上帝則亦配祭之故又謂之郊禩

大雅生民詩克禋克祀以弗無子

朱子曰精意以享謂之禋祀郊禩也弗之

言祓也祓無子求有子也姜嫄出祀郊禘見大人跡而履其拇遂歆歆然如有人道之感於是有娠而生后稷

祈穀禮

月令孟春之月天子乃以元日祈穀于上帝

案元日上辛郊祭天

而配以后稷為祈穀也

春秋左氏傳凡祀啓蟄而郊

案啓蟄夏正建寅之月夏

小正曰正月啓蟄謂始發蟄也故漢氏之始以啓蟄為正月中雨水為二月節及太和以後更改氣名以雨水

為正月中驚蟄為二月節

孟獻子曰郊祀后稷以祈農事也是故啓

蟄而郊郊而耕

案祀天南郊郊而後耕是祈穀之後躬耕帝籍

月令仲夏命樂

師修鞀

逃

鞀

駢迷反

鼓均琴瑟管簫執干戚戈羽調等笙

范池

簧飭鍾磬祝啟

音語為將大雩帝習樂也修均執調飭者治其器習其事之言案輅

鼗鼓持其柄搖之而耳自擊輅雷鼓之屬小鼓在大鼓傍輅導也所以導樂作輅輅也輅助樂節琴五絃瑟二

十七絃管長尺圓寸并兩而吹之簫編二十二管長尺四寸千盾也威斧也戈鈎矛戟羽鳥羽等三十六簧笙

十三簧范長尺四寸圓三寸

命有司為民祈祀山川百源大雩帝用

盛樂乃命百縣雩祀百辟卿士有益於民者以祈穀實

陽氣盛而常旱山川百源能興雲雨者也衆水始所出為百源必先祭其本乃雩雩吁嗟求雨之祭也雩帝謂為壇南郊之傍雩五精之帝配以先帝也自輅輅至祝啟皆作曰盛樂凡他雩用歌舞而已百辟卿士古者上公若勾龍后稷之類也春秋傳龍見而雩雩當以四月凡周之秋三月之中而旱亦修雩禮以求雨因著正雩

此月失之矣天子雪上帝諸侯以下雪上公故雖旱禮有禱無雪

春秋左氏傳龍見而

雩

索龍見建巳之月蒼龍宿之體昏見東方乃物始盛待雨而大故祭天遂為百穀祈膏雨

愚案冬至之郊為大報天正月之郊專為祈穀二郊不同皆配以后稷此先王所以定天位職百神之大典也若成王賜魯重祭雖賜受皆非今考春秋宣成定哀之改卜牛皆在春正月僖之卜在四月則是止於祈穀之郊而非大報之禮亦明矣

詩噫嘻噫嘻成王既昭假爾率時農夫播厥百穀駿發

爾私終三十里亦服爾耕十千維耦

愚案是詩小序謂春夏祈穀于上帝蓋成王初置農官而戒之以督耕之事也

旅帝禮

大宗伯國有大故則旅上帝掌次王大旅上帝則張氈案設皇邸典瑞四圭有邸以祀天旅上帝職金旅于上帝則共其金版

祀五帝禮

小宗伯兆五帝於四郊

兆為壇之營城案封人云社稷之壇謂壇上為之即此壇之營

域一也不言壇者舉外營域有壇可知

大司寇禋祀五帝則戒之日涖誓百官戒于百族及納亨前王祭之日亦如之奉其明水火小司寇禋祀五帝實鑊水納亨亦如之士師祀五帝則沃尸及王盥汨鑊水大司徒祀五帝奉牛牲羞其肆充人掌繫祭祀之牲牲祀五帝則繫于牢芻之三月掌次祀五帝則張大次小次設重帟重案司服祀昊天上帝則服大裘而冕祀

五帝亦如之大宗伯以玉作六器以禮天地四方以蒼
璧禮天以璜琮禮地以青圭禮東方以赤璋禮南方以
白琥禮西方以玄璜禮北方皆有牲幣各放其器之色
祭法埋少牢於泰昭祭時也家語五帝德篇季康子問
於孔子曰舊聞五帝之名而不知其實請問何謂五帝
孔子曰昔丘也聞諸老聃曰天有五行水火木金土分
時化育以成萬物其神謂之五帝古之王者易代而改
號取法五行五行更王終始相生亦象其義故其為明

王者而取配五行是以太皞配木炎帝配火黃帝配土
少皞配金顓頊配水

四類禮

小宗伯兆五帝於四郊四類四望亦如之

案四類兆日於東郊兆月

與風師於西郊兆司中司命於南郊兆雨師於北郊

四望禮六

小宗伯兆五帝於四郊四望亦如之大宗伯國有大故則旅上帝及四望大司馬中秋教治兵遂以獮田羅弊

致禽以祀祊大宗伯以鬴辜祭四方鬯人掌共秬鬯而
飾之凡四方用蜃凡鬴事用散牧人望祀各以其方之
色牲毛之司服王祀四望則毳冕大宗伯以青圭禮東
方以赤璋禮南方以白琥禮西方以玄璜禮北方皆有
牲幣各放其器之色玉人之事兩圭五寸有邸以旅四
望典瑞兩圭有邸以旅四望大司樂乃奏姑洗歌南呂
舞大磬以祀四望舞師教羽舞帥而舞四方之祭祀男
巫掌望祀望衍授號旁招以茅月令季秋天子乃厲飾

執弓挾矢以獵命主祠祭禽于四方曲禮天子祭四方
歲徧祭法四坎壇祭四方也詩以社以方春秋傳天子
有方望之事無所不通也

公羊

迎氣禮

月令孟春之月先立春三日大史謁之天子曰某日立
春盛德在木天子乃齊立春之日天子親帥三公九卿
諸侯大夫以迎春於東郊孟夏之月先立夏三日太史
謁之天子曰某日立夏盛德在火天子乃齊立夏之日

天子親帥三公九卿大夫以迎夏於南郊孟秋之月先立秋三日大史謁之天子曰某日立秋盛德在金天子乃齊立秋之日天子親帥三公九卿諸侯大夫以迎秋於西郊孟冬之月先立冬三日太史謁之天子曰某日立冬盛德在水天子乃齊立冬之日天子親帥三公九卿大夫以迎冬於北郊

祭寒暑禮

祭法相逆於坎壇祭寒暑也月令仲春天子乃鮮羔開

水篇章掌土鼓幽篇中春書擊土鼓飲幽詩以逆暑中
秋夜逆寒亦如之春秋傳黑牡秬黍以饗司寒祭寒而
藏之

愚案篇章中春逆暑中秋逆寒與月令季春出火季
秋納火仲春帥內外命婦始蠶此皆與今四時合及
考大司馬正月之吉始和布政于邦國州長正月之
吉屬民讀法正歲則讀教法如初是則正月正歲不
同一時明矣鄭注謂正月周之正月正歲夏之正月

遂使後人益信周之改月豈知正月之吉始和乃今
正月天氣下降地氣上騰天地和同草木萌動是謂
始和之月也若指此為子月則陰氣既盛陽氣尚微
感發果烈於此方殷果何取其始和乎要之正月本
今正月正歲乃所謂周以子為歲首者也夫自正月
讀法至子月復讀故曰如初若以正歲為夏之正月
則如初又何所指乎鄭注徒見木鐸徇令一節與夏
書孟春合遂指正歲為夏正曾不思夏以寅月為歲

首則以寅月徇木鐸周以子月為歲首則以子月徇木鐸安可例以周之徇鐸在寅月而謂寅月為正歲乎借曰徇鐸之時政可改而始和之天氣不可改也因并論之

朝日禮

玉蓐天子玄端而朝日于東門之外

端當為冕東門謂國門也

禮器

為朝夕必放於日月掌次朝日則張大次小次設重帟

重案

次謂幄也大幄初往止居也小幄既接祭退俟之處重帟複帟重案床重席也

馮相氏冬

夏致日典瑞掌玉瑞玉器之藏辨其名物與其用事設其服飾王晉大圭執鎮圭纁籍五采五就以朝日書堯典分命羲仲宅嵎夷曰暘谷寅賓出日大傳古者帝王躬率有司百執事而以正月朝迎日于東郊所以為萬物先而尊事天也祀上帝於南郊所以報天德迎日之辭曰維某年月上日明光于上下勤施于四方旁作穆穆維予一人某敬拜迎日東郊周語古者先王既有天下又崇立於上帝明神而敬事之於是乎有朝日夕月

以教民事君

案上帝天也明神日月也

魯語天子大采朝日與三公

九卿祖識地德日中考政與百官之政事師尹維旅牧

相宣序民事少采夕月與大史司載糾虔天刑日入監

九御使潔奉禘郊之粢盛而後即安

祀日月星辰禮

大宗伯以實柴祀日月星辰

案實柴實牛柴上也星謂五緯辰謂日月所會十二

次也典瑞圭璧以祀日月星辰

圭其邸為璧取殺於上帝

月令祈來年

於天宗

天宗日月星辰亦是也

玉人之事圭璧五寸以祀日月星辰

祭法王宮祭日夜明祭月幽宗祭星

案王宮日壇王君也日稱君宮壇營

域也夜明亦謂月壇也宗當為崇字之誤也幽崇謂星壇也星以昏始見崇之言營也案春秋傳曰日月星辰之神則雪霜風雨之不時於是乎崇之祭義祭日於壇祭月於坎祭日於

東祭月於西

春分朝日秋莫夕月祭日於壇謂春分也祭月於坎謂秋分也祭日於東用朝旦之

時祭月於西用鄉夕之時

祀司中司命風師雨師禮

大宗伯以槩燎祀司中司命觀師雨師

槩音風槩積也積柴實牲體也

燔燎而升煙所以報陽也鄭司農云司中三能三階也司命文昌宮星風師箕也雨師畢也

愚案立春後丑日祭風以丑近箕次箕主風立夏後申日祭雨以申近畢次畢主雨故皆取先日以迎祭也

救日月禮

穀梁傳天子救日置五麾陳五兵五鼓諸侯置三麾陳

三鼓三兵大夫擊門士擊柝言充其陽也

麾旗也五兵戈戟也五

弓矢柝兩木相擊凡有聲皆陽事以壓陰氣

曾子問諸侯從天子救日各以

其方色與其兵

方色者東方衣青南方衣赤西方衣白北方衣黑周禮有救日之官未聞兵之

細制隱義云東方用戟南方用矛西方用弩北方用盾中央用鼓以日食陰侵陽臣強之象示欲助天子討陰也亦備非常穀梁云日食是陰之鼓人救日月則詔王

灾故

象五方之色以兵討之也

鼓人救日月則詔王

鼓

救日月食王必

大僕凡軍旅田役贊王鼓救日月亦

如之庭氏救日之弓救月之矢

謂日月之食陰陽相勝之變也於日食則射大

陰月食則射大陽不言救月之弓與救日之矢者互言之也

大司樂凡日月食命去

樂

去樂藏也

春秋昭公十七年夏六月甲戌朔日有食之

祝史請所用幣

禮正陽之月日食常用幣於社故大史大祝請之

昭子曰日有

食之天子不舉伐鼓於社諸侯用幣於社伐鼓於朝禮

也平子禦之

禦集也

曰止也唯正月朔慝未作日有食之

於是乎有伐鼓用幣禮也其餘則否大史曰在此月也

正月謂建巳正陽之月於周為六月於夏為四月黑陰氣也四月純陽用事陰氣未動而侵陽故有伐鼓用幣

禮日過分而未至

過春分未夏至

三辰有災於是乎百官降物

降物謂素服也

君不舉辟移時樂奏鼓

伐祝用幣

於社史用辭

以自平子弗從

見左傳

書盾征乃季秋月朔辰弗集于房

韓奏鼓書夫馳庶人走

辰日月所會房所舍之次集合也不合則日食可知凡日食天

子伐鼓于社責上公縣樂官進鼓則伐之書夫主幣之官馳取幣禮天神衆人走供救日月之百役也疏季秋

九月之朔日月當合於辰其日月不合於舍不得合
辰謂日被月食日有食之禮有救日之法於時故人樂
官進而野之需大馳騁而取幣以禮天神庶
人奔走供救日之百役此為災異之大也

左傳文公

十五年六月辛丑朔日有食之鼓用牲于社非禮也

常得

鼓之月而於社
用牲為非禮

日有食之天子不舉

去威
饒也

伐鼓于社

伐猶

擊也責聲陰
故鼓於社

諸侯用幣于社

社尊於諸侯故請救
救用幣不敢責之

伐鼓

于朝

退自
責也

古之道也

祀社稷禮四

小司徒凡建邦國立其社稷大司徒設其社稷之壇而

樹之田主各以其野之所宜木遂以名其社與其野小
宗伯掌建國之神位右社稷左宗廟封人掌設王之社
壇為畿封而樹之凡封國設其社稷之壇封其四疆造
都邑之封域者亦如之令社稷之職

封國謂諸侯

匠人營國

左祖右社大宗伯以血祭社稷司服王祭社稷則希冕
鬯人掌共秬鬯而飾之凡祭祀社壇用大罍鼓人以靈
鼓鼓社祭舞師教帔舞帥而舞社稷之祭祀肆師社之
日涖卜來歲之稼大司馬中春教振旅遂以蒐田獻禽

以祭社月令仲春擇元日命民社明堂位春社王制天子祭社稷皆太牢諸侯祭社稷皆少牢祭法王為羣姓立社曰大社王自為立社曰王社諸侯為百姓立社曰國社諸侯自為立社曰侯社大夫以下成羣立社曰置社郊特牲天子大社必受霜露風雨以達天地之氣也州長若以歲時祭祀州社則屬其民而讀法凡州之大祭祀泣其事祭法曰厲山氏之有天下也其子曰農能植百穀夏之袞也周弃繼之故祀以為稷共工氏之霸

九州也其子曰后土能平九州故祀以為社孝經緯社者五土之總神稷者原隰之神五穀稷為長五穀不可徧敬故立稷以表名郊特牲社祭土日用甲唯為社事單出里唯為社田國人畢作唯社丘乘共粢盛書逸篇大社唯松東社唯柏南社唯梓西社唯栗北社唯槐論語哀公問社於宰我宰我對曰夏后氏以松殷人以柏周人以栗縣詩廼立冢土戎醜攸行冢土大社也甫田以我齊明與我犧羊以社以方雲漢祈年孔鳳方社不莫春

秋左傳昭公二十九年共工氏有子曰句龍為后土后土為社稷田正也有烈山氏之子曰柱為稷自夏以上配祀之周棄亦為稷自商以來祀之春秋文義曰天子之社稷廣五丈諸侯半之其色如向春秋傳曰天子有大社焉東方青色南方赤色西方白色北方黑色上冒以黃土故將封東方諸侯青土苴以白茅禮器社稷山川之事鬼神之祭體也禮運禮行於社而百貨可極焉愚案社者地祇之別祭而亦禮之大者如召誥丁巳

用牲于郊越翼日戊午乃社于新邑此自郊之外而
又專祭社也禮曰饗帝于郊祀社于國又曰郊所以
明天道社所以明地道中庸曰郊社之禮所以事上
帝註者曰不言后土者省文也是則或以社對帝或
以社對郊或合郊社而並言其為禮之大可見已然
社之為祭固為地設論者若專指社為祭地而曰地
不與於郊天不可也要之祭天可并及地而其統則
無體不遺禮地雖不可屈天而其寔則尊歸于一也

祀山川禮五

小宗伯兆山川丘陵墳衍各因其方大宗伯以血祭祭
五嶽以貍沈祭山林川澤月令孟春命祀山林川澤犧
牲毋用牝仲夏命有司為民祈祀山川百源大雩帝用盛
樂乃命百縣雩祀百辟卿士有益於民者以祈穀實仲
冬天子命有司祈祀四海大川名源淵澤井泉季冬乃
畢山川之祀司服王祀山川則毳冕典瑞璋邸射以祀
山川玉人璋邸射素功以祀山川鬯人掌共秬鬯而飾

之凡山川用蜃大司樂奏蕤賓歌函鍾舞大夏以祭山
川舞帥掌教兵舞帥而舞山川之祭祀山虞若祭山林
則為王而修除且蹕書舜典望秩大傳諸侯祭名山大
川之在其地者王制天子祭天下名山大川五嶽視三
公四瀆視諸侯其餘山川視伯小者視子男

視謂視其
牲器之數

曲禮天子諸侯祭山川歲徧周公祀泰山召公為尸學
記三王之祭川也皆先河而後海詩周頌時邁懷柔百
神及河喬嶽

經禮補逸卷一

欽定四庫全書

經禮補逸卷二

元 汪克寬 撰

吉禮

祠禮

大宗伯以祠春享先王司尊彝春祠夏禴禴用雞彝鳥
彝皆有舟其朝踐用兩獻尊其再獻用兩象尊皆有罍
籩人凡祭祀共其籩薦脩之實牧人凡時祀之牲必用
牷物詩天保禴祠烝嘗于公先王

愚案春祠夏禴秋嘗冬烝此周制時饗之定名也詩云禴祠烝嘗蓋取詠歌以叶韻耳其實非有異也

春秋昭公十五年二月癸酉有事于武宮

愚案周官祠禴烝嘗為四時之祭左氏傳曰禘于武宮是以禘為四時之祭蓋見經書禘于莊公遂例以為禘而誤耳考之王制春曰禘夏曰禘此蓋夏殷之祭名與周不同蓋周更時祭之名而後禘為大祭也然有事武宮乃春祠之祭曷不以祠祭之名書而止

曰有事蓋祭之日叔弓蒞事齋入而卒去樂卒事雖祭得時而不成乎禮春秋乃變文而書之以著其失也

禴禮

大宗伯以禴夏享先王司尊彝春祠夏禴裸用雞彝鳥彝皆有舟其朝踐用兩獻尊其再獻用兩象尊皆有罍王制天子犢鉶詩禴祠烝嘗易既濟九五東隣殺牛不如西隣之禴祭

嘗禮

大宗伯以嘗秋享先生司尊彝秋嘗冬烝裸用竿彝黃
彝皆有舟其朝獻用兩著尊其饋獻用兩壺尊皆有蠶
肆師嘗之日涖卜來歲之芟詩烈祖顧予烝嘗湯孫之
將閔官秋而載嘗春秋桓公十四年八月壬申御廩災
乙亥嘗

愚案嘗以物成而薦新故曰嘗周之八月乃夏六月
物未大成嘗非時也况御廩壬申災嘗以乙亥距四

日間乃汲汲以災餘共染盛是有合於周官祭享前期十日帥執事而卜日誓戒之禮乎春秋書之志不敬也

左氏傳凡祀始殺而嘗襄公二十八年十一月乙亥嘗于大公之廟慶舍泣事麻嬰為尸慶集為上獻

烝禮

大宗伯以烝冬享先王大司馬中冬教大閱獻禽以享烝司尊辨秋嘗冬烝裸用竿彝黃彝皆有舟其朝獻用

兩著尊其饋獻用兩壺尊皆有罍書洛誥戊辰王在新
邑烝祭歲文王騂牛一武王騂牛一王入太室裸在十
有二月

愚案裸灌也灌必用秬鬯者以秬米為酒名秬鬯酒
人掌之凡祭祀共酒以往將祭則烝鬱和之乃名鬱
鬯取其香芬陰達以降神也在十有二月以戊辰祭
日在是月也

春秋桓公八年春正月己卯烝夏五月丁丑烝左氏傳

閉蟄而烝

愚案周官祠禴嘗烝為四時之祭是已考之春秋嘗祭不書書必有譏如桓公八年春夏兩以烝書者譏其不時而且黷如桓公十四年八月嘗本得其時蓋因其壬申御廩災越四日乙亥嘗譏以災餘之粟祭為不敬也如昭十五年春二月有事于武宮蓋春祠也如宣八年夏六月有事于太廟即夏禴也祭得其時於祭無譏故不書名止云有事所以書者一則譏

宣公以仲遂之喪猶繹而萬入去籥是忘大臣之哀
一則譏昭公以叔弓之喪籥入而去樂卒事是殺宗
廟之禮其取義各有所重也

祫祠禮

曾子問祫祭於祖則祝迎四廟之主主出廟入廟必蹕

四廟謂迎高曾祖
禰入太祖之廟也

祫禴禮

曾子問祫祭於祖則祝迎四廟之主春秋宣公八年六

月辛巳有事于太廟

王氏曰當是論祭

祫嘗禮

王制天子祫嘗諸侯嘗祫春秋文公二年八月丁卯大

事于太廟躋僖公

穀梁傳曰若祫嘗

愚案春秋時祭則書有事于太廟有事于武
宮之類是也祫祭則書大事如此書大事于太廟是
也蓋時祭之祫則祝迎四廟之主合食於太祖之廟
而毀廟之主不與及三年大祫則毀廟之主亦與焉

穀梁以大事為禘嘗左氏外傳又以為禘烝苟以大
事為時禘則大禘屬之有事可乎書法曰有曰大其
別時禘大禘之義明矣

禘烝禮

王制天子禘烝諸侯烝禘

愚案烝衆也以冬月時物畢成薦脩豐備故曰烝禘
合也天子於此時升羣廟之主合食於太祖之廟故
曰禘烝謂時禘也諸侯降於天子止於秋冬成物之

時得合祭焉不得如天子之時祫故曰烝祫皆變文以明禮制之辨也

天子大禘禮

大宗伯以肆獻裸饗先王玉人之事裸圭尺有二寸有瓚以祀廟大宗伯享大鬼帥執事而卜日宿眎滌濯泣玉鬯省牲鑊奉玉盥詔大號大司徒祀五帝奉牛牲羞其肆饗先王亦如之充人掌繫祭祀之牲拴祀五帝則繫于牢芻之三月享先王亦如之內饗凡宗廟之祭祀

掌割烹之事鼓人以路鼓鼓鬼享大司樂乃奏無射歌
夾鍾舞大武以饗先祖大傳禮不王不禘王者禘其祖
之所自出以其祖配之儀禮喪服傳諸侯及其太祖天
子及其祖之所自出祭法有虞氏禘黃帝而郊饗祖顓
頊而宗堯夏后氏禘黃帝而郊饗祖顓頊而宗禹殷人
禘饗而郊冥祖契而宗湯周人禘饗而郊稷祖文王而
宗武王

愚案有虞氏禘黃帝而郊饗夏后氏禘黃帝而郊饗

其祀同乎曰鯀與禹不同也曷為不同曰鯀夏后氏
之父也夏后氏之天下受於舜非受於鯀也鯀治水
九載績用弗成舜殛之羽山非舜殛之也明天刑以
討之天下之至公也鯀服舜刑則為天下之罪人矣
禹既受舜禪而升罪人以配天其可以天下私其父
而同譽之祀哉夫大事于太廟躋僖公春秋尚譏其
逆祀則禹之私其父而逆于舜且不逆于天乎天其
弗享夏后氏之郊矣曰然則禹之于鯀也如之何曰

廟以祭之禮也何必郊雖然禹聖人也而豈為是哉
祭法之言蓋以厯序數聖人郊禘之禮遂例及焉不
足信也讀者察焉

明堂位季夏六月以禘禮祀周公于太廟牲用白牡尊
用犧象山罍鬱尊用黃目灌用玉瓚大圭薦用玉豆雕
簋損管反爵用玉琖仍雕加以璧散壁角俎用琬歌簋升

歌清廟下而管象朱干玉戚冕而舞大武皮弁素積褐
而舞大夏孟獻子曰七月日至可以有事于祖七月之

禘獻子為之也玉藻大亨其王事與平三牲魚腊四海九州之美味也籩豆之薦四時之和氣也內金示和也束帛加璧尊德也龜為前列先知也金次之見情也丹漆絲纒竹箭與衆共財也其餘無常貨各以國之所有則致遠物也其出也肆夏而送之蓋重禮也禮運禮行於祖廟而孝慈服焉詩頌長發大禘而歌玄王桓撥相土烈烈上帝是祗帝命式于九圍

大禘禮

大宗伯以肆獻裸饗先王曾子問祫祭於祖則祝迎四廟之主春秋文公十一年公羊傳祫祭毀廟之主陳于太祖未毀廟之主皆升合食于太祖五年而再殷祭禮器大饗腥三獻燔潛一獻孰

諸侯大祫禮

大傳禮諸侯大事及其太祖大夫士有大事省於其君

干祫及其高祖

案太祖受命君也大事冠戎之事也省善也善於其君謂免於大難也干猶空

也空祫謂無廟祫祭之於壇墠

春秋文二年八月丁卯大事于大廟躋

僖公

穀梁傳於祭者毀廟之主陳于太祖未毀廟之主皆升合祭于太祖范氏注於祭者皆合祭諸廟已

毀未毀者之主於太祖廟中以昭穆為次序父為昭子為穆太祖東向昭南向穆北向孫從王父坐也祭畢則復還其廟何氏注昭取其

而明穆取其北面尚敬

饗先妣禮

大司樂乃奏夷則歌小呂舞大濩以享先妣

愚案後世帝王其始祖之配自配饗於始祖則無此廟立廟自后稷為始祖姜嫄無所始是以特立廟而祭之先妣姜嫄也姜嫄履大人跡而生后稷是周之

先母也

繹禮

禮器曰為祊乎外郊特牲曰繹之於庫門內書高宗彤
日

愚案彤祭明日又祭之名也殷曰彤周曰繹名不同
而複祭之禮同也

詩鳧鷖篇鳧鷖在涇公尸來燕來寧

朱子傳祭之明日
繹而賓尸之樂

假樂篇之綱之紀燕及朋友

朱子傳公尸
所以答鳧鷖

春秋宣公八

年壬午猶繹萬入去籥

薦寢廟禮

月令仲春天子乃鮮羔開冰先薦寢廟季春薦鮪于寢
廟孟夏以彘嘗麥先薦寢廟孟秋嘗新先薦寢廟仲秋
以犬嘗麻先薦寢廟季秋以犬嘗稻先薦寢廟季冬嘗
魚先薦寢廟詩潛之篇有鱸有鮪鰭鰾鯉以享以祀
以介景福

天子遷廟禮

春秋文公二年穀梁傳作主壞廟有時日於練焉壞廟
壞廟之道易檐可也改塗可也禮以次行遷廟事畢請
就燕君出廟門卿大夫有司執事者皆出廟門告事畢
乃曰擇日而祭焉

愚案檀弓殷既練而祔周卒哭而祔孔子善殷左氏
謂君薨卒哭而祔祔而作主穀梁謂吉主於祔練於
練焉壞廟則待練而始祔二氏之說於殷周之制各
有合然禮既葬作主於墓而反虞孝子皇皇不忍一

日忘其親也苟卒哭而易主遷廟遽用吉祭孝子豈忍急於鬼其親乎胡氏取穀梁祔練之說蓋以其合殷而孔子善之為得禮之本也

諸侯遷廟禮

大戴禮成廟將遷之新廟君前徙三日齊祝宗人及從者皆齊徙之日君玄服從者皆玄服從至于廟羣臣如朝禮位君入立於阼階下西向有司如朝位宗人擯舉手曰有司其請升君升祝奉幣從在左北面再拜興祝

聲三曰孝嗣侯某敢以嘉幣告于皇考某侯成廟將徙
敢告君及祝再拜興祝曰請導君降立於階下奉衣服
者皆奉以從祝奉衣服者降堂君及在位者皆辟也奉
衣服者至碑君從有司皆以次從出廟門奉衣服者升
車乃步君升車從者皆就車也凡出入門及大溝渠祝
下擯至于新廟筵于戶牖間尊于四序下脯醢陳于房
中設洗當東榮南北以堂深有司皆先入如朝位祝導
奉衣服者乃入君從奉衣服者入門左在位者皆避也

奉衣服者升堂皆反位君從升奠衣服于席上祝奠幣
于几東君北向祝在左贊者盥升適房薦脯醢君盥酌
奠于薦西反位君及祀再拜興祝聲三曰孝嗣侯某敢
用嘉幣告于皇考某侯今月吉日可以徙于新廟敢告
再拜君就東箱西面祝從西箱東面在位者皆反走辟
如食間祝請反位君反位祝從在左卿大夫及衆有司
諸在位者皆反位再拜畢事

愚案諸侯廟制二昭二穆與大祖而為伍也本諸祭

法曰考廟曰王考廟曰皇考廟則皆月祭之曰顯考廟曰祖考廟則不得月祭唯四時祭之而已若高祖之父其廟既毀藏主于祖考之廟中若有祈禱則出受壇祭而不得四時之祭矣至高祖之祖其主亦藏祖考廟中若有祈禱則出受壇祭而又不得在壇之祭矣迨夫去壇而為鬼者雖有祈禱而祭亦不及焉蓋以親過高祖則毀廟而迭遷之禮也是故武宮之立春秋譏之則凡親盡不毀者皆無合於先王祭法

之正也

饗廟禮

雜記成廟則饗之雞人凡祭祀面禳饗共其雞牲祝宗人宰夫饗人皆爵弁純衣饗人拭羊宗人祝之宰夫北面于碑南東上饗人舉羊升屋自中中屋南面剖羊血流于前乃降門夾室皆用雞先門而後夾室其餽皆於屋下割雞門南門夾室中室有司皆向室而立門則有司當門北面既事宗人告事畢乃皆退反命于君曰饗

某廟事畢反命於寢君南嚮于門內朝服既反命乃退
凡宗廟之器其名者成則饗之以殽豚

宗廟禮

玉藻宗廟之祭仁之至也曾子問曰宗子為士庶子為
大夫其祭也如之何孔子曰以上牲祭於宗子之家祝
曰孝子某為介子某薦其常事若宗子有罪居于他國
庶子為大夫其祭也祝曰孝子某使介子某執其常事
攝主不厭祭不旅不假不綏祭不配布奠於賓賓奠而

不舉不歸肉其辭于賓曰宗兄宗弟宗子在他國使其
辭曾子問曰宗子去在他國庶子無爵而居者可以祭
乎孔子曰祭哉請問其祭如之何孔子曰望墓而為壇
以時祭若宗子死告於墓而後祭於家宗子死稱名不
言孝孝經為之宗廟以鬼享之大司樂乃分樂而序之
凡樂黃鍾為宮大呂為角大蕤為徵應鍾為羽路鼓路
鼗陰竹之管龍門之琴瑟九德之歌九磬之舞於宗廟
之中奏之若樂九變則人鬼可得而禮矣周易萃王假

有廟用大牲吉祭統夫祭也者必夫婦親之

愚案宗廟之祭君牽牲夫人薦盎君割牲夫人薦酒
此皆夫婦親之之禮也所以然者夫婦足以盡陰陽
之義而一氣感通之誠無間於顯微則愛敬之心亦
與之無間於存歿故優然見乎其位肅然聞乎其容
聲此鬼神之常理也不可度思矧可射思夫安得不
敬乎此又交神明奉祭祀之本也

齊禮

祭統致齊於內散齊於外齊之日思其居處思其笑語
思其志意思其所樂思其所嗜齊三日乃見其所為齊
者膳夫王齊日三舉玉府王齊則共玉食鬯人凡王之
齊事共其鉅鬯禮器魯人將有事於上帝必先有事於
禋宮晉人將有事於河必先有事於惡呼徒河反池齊人
將有事於泰山必先有事於配林七日戒三日宿慎之
至也祭統及時將祭君子乃齊散齊七日致齊三日是
故君子非有大事也非有恭敬也則不齊

愚案虞書之稱堯曰欽明又曰允恭大雅之述文王
曰於緝熙敬止又曰不顯亦臨無射亦保孔子之語
仲弓曰出門如見大賓使民如承大祭是則君子之
所以為德者恭敬而已矣恭敬也者不可湏臾離也
可離不足以語君子也祭統曰君子非有大事也非
有恭敬也則不齊何也蓋君子之存乎恭敬固不待
於齊也齊則所以篤其恭敬而致其誠也謂之非有
大故則不齊猶可也謂之非有恭敬則不齊其說之

陷而不可舉也甚矣信斯言也是則恭敬僅存於齊之時不齊之時則不恭敬矣果可以語君子之道乎大抵漢儒記禮之言往往騁于文而昧于理其言之類此者不絕于編也在學者考而擇焉斯得矣

禮尸禮

禮器周坐尸詔侑武無方夏立尸而卒祭殷坐尸周旅酬六尸郊特牲舉觶角詔妥尸古者尸無事則立有事而後坐也尸神象也守桃掌其遺衣服若將祭祀則各

以其服授尸

旅酬禮

曾子問曰祭如之何則不行旅酬之事矣孔子曰聞之
小祥者主人練祭而不旅奠酬於賓賓弗舉禮也昔者
魯昭公練而舉酬行旅非禮也孝公大祥奠酬弗舉亦
非禮也

案朱子謂旅衆也酬導飲也旅酬之禮賓弟子兄弟
之子各舉解於其長而衆相酬蓋宗廟之中以有事

為榮故逮及賤者使亦得以伸其敬也

經禮補逸卷二

欽定四庫全書

經禮補逸卷三

元 汪克寬 撰

吉禮

祭先帝禮

祭法夫聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之帝嚳能序星辰以著衆堯能賞均刑法以義終舜勤衆事而野死鯀障洪水而殛死禹能修鯀之功黃

帝正名百物以明民共財顓頊能修之契為司徒而民成冥勤其官而水死湯以寬治民而除其虐文王以文治武王以武功去民之災此皆有功烈於民者也非此

族也不在祀典

案著衆謂使民興事知休作之期也賞善謂禪舜封禹稷等也能刑謂去四凶

義終謂既禪二十八載乃死也野死謂征有苗死於蒼梧也殛死謂不能成其功也明民謂使之衣服有章也民成謂知五教之禮也冥契六世孫也虐災謂桀紂烈業也族猶類也

釋奠禮

文王世子凡學春官釋奠于其先師秋冬亦如之凡始

立學者必釋奠于先聖先師及行事必以幣凡釋奠者
必有合也有國故則否凡大合樂必遂養老天子視學
大昕鼓徵所以警衆也衆至然後天子至乃命有司行
事興秩節祭先師先聖焉有司事卒反命始之養也適
東序釋奠于先老王制曰出征執有罪反釋奠于學

釋菜奠

大胥春入學舍菜合舞秋頒學合聲月令仲春上丁命
樂正習舞釋菜天子乃帥三公九卿諸侯大夫親往視

之樂記大學始教皮弁祭菜

愚案禮有釋奠釋菜孔穎達正義辨之詳矣周禮春官大胥職云舍菜文王世子云釋奠及行事必以幣是則舍菜以蘋藻釋奠以牲幣豈禮有輕重乎古者士見於君以雉為摯見於師以菜為摯故釋菜用於大學始教之時用於入學習舞之際用於立學興器之後皆專為先聖先師之祭此其僅見於學宮政所以師事之也至若古之釋奠施於學者雖曰始立學

者以之出征師還以之四時詩書禮樂之官皆以之
然或施之社廟施之祖禰大祝甸祝皆得而用不專
於先聖先師而止此其雜見於羣祀乃所以神事之
也是則釋奠禮同而釋菜禮寔專焉苟徒舉釋奠而
廢釋菜是使尊禮先聖先師之祀特與羣祀等耳爰
禮者可無辨哉

祭樂祖禮

大司樂凡有道者有德者使教焉死則以為樂祖祭於

睿宗祭義祀先賢於西學

祭先農禮

詩甫田琴瑟擊鼓以御田祖以祈甘雨以介我稷黍

田祖

先畮也

豐年多黍多稌

止

降福孔皆

謂秋冬報也

大田田畯至

喜來方禋祀以其騂黑與其黍稷以享以祀以介景福

祭燿禮

司燿掌行火之政令凡祭祀則祭燿

愚案祭燿禮如祭饗謂祭祀先出火之人以報其為

明之功也然則有功於民者觀於此族必舉則先王制禮委曲詳備者益可見矣

禮器孔子曰臧文仲安知禮燔柴於輿

輿當為爨字之誤

夫輿

者老婦之祭也盛於盆尊於瓶

祭先卜禮

龜人上春釁龜祭祀先卜

祭司民司祿禮

司民及三年大比以萬民之數詔司寇司寇及孟冬祀

司民之目獻其數于王王拜受之登于天府小司寇孟冬祀司民獻民數于王王拜受之登中于天府若祭天之司民司祿而獻民數穀數則受而藏之

大蜡禮

玉藻大蜡天子之祭也籥章國祭蜡則敝籥頌擊土鼓以息老物黨正國索鬼神而祭祀則以禮屬民而飲酒于序以正齒位郊特牲天子大蜡八主先嗇而祭司嗇祭百種以報嗇饗農及郵表畷禽獸迎貓迎虎祭坊與

水庸歲十二月合聚萬物而索享之也祝辭曰土反其宅水歸其壑昆蟲無作草木歸其宅皮弁素服葛帶榛杖黃衣黃冠而祭大羅氏天子之掌鳥獸者也諸侯貢屬焉草笠而至羅氏致鹿與女而詔客告也以戒諸侯曰好田好女者亡其國天子樹瓜華不斂藏之種也八蜡以記四方四年不順成八蜡不通以謹民財也順成之方其蜡乃通以移民也既蜡而牧民息已故既蜡君子不興功禮運昔者仲尼與於蜡賓事畢出游於觀

之上喟然而嘆仲尼之嘆蓋嘆魯也言偃在側曰君子何嘆孔子曰大道之行也與三代之英丘未之逮也而有志焉

類禮

大祝掌六祈以同鬼神元一曰類詛祝掌類造之祝號小宗伯類社稷宗廟則為位男巫授號旁招以茅王制類乎上帝詩桓講武類禡也桓桓武王保有厥土止於昭于天皇以間之

造禮

大祝二曰造大會同造于廟詛祝掌類造之祝號男巫授號旁招以茅

祖祝所授類造攻說禋崇之神號男巫為之招

王制天子將出

造乎禰諸侯將出造乎禰

禋禮

大祝三曰禋詛祝掌禋禋之祝號男巫授號旁招以茅女祝掌以時招梗禋禋之事以除疾殃凡以神仕者以冬日至致天神人鬼夏至致地祇物魑以禋國之凶

荒民之札喪

禋禮

大祝四曰禋詛祝掌禴禘之祝號男巫授號旁招以茅
肆師若國有大故則令國人祭翦氏掌除蠹物以攻禘
攻之黨正四時之孟月吉日則屬民而讀邦法以糾戒
之春秋祭禘亦如之春秋傳昭公元年鄭子產曰山川
之神則水旱癘疫之災於是乎禘之日月星辰之神則
霜雪風雨之不時於是乎禘之哀公六年有雲如衆赤

鳥夾日而飛楚子使問諸周太史周太史曰其當王身
乎若禳之可移於令尹司馬王曰除腹心之疾而寘諸
股肱何益遂弗禳

愚案大祝六祈之中四曰禳此禳之有定名也鬯人
拒鬯之共而曰禳門此禳之有定所也參之春秋傳
曰山川之神則水旱癘疫之災於是乎禳之日月星
辰之神則霜雪風雨之不時於是乎禳之即此又見
禳之無定時也至若春秋僖公二十五年秋大水鼓

用牲于門三傳未始明以崇釋之及鄭氏釋周禮乃援是為證安知春秋本文果為崇祭否乎蓋崇之為言營也初無祠字壇壝特為蘇絕營域而祭之耳然此所謂門不過祭于國門之外耳非若祭法所謂祭國門與於七祝之一者也學者察焉

攻禮

大祝五曰攻詛祝掌攻說之祝號男巫授號旁招以茅說禮

大祝六曰說詛祝掌攻說之祝號男巫授號旁招以茅庶氏掌除毒蠱以攻說禳之

禱祠禮

小祝掌禱祠之祝號以祈福祥順豐年逆時雨寧風旱彌災兵遠罪疾女祝掌凡內禱祠之事小宗伯太災及執事禱祠于上下神祇軍旅甸役之禱祠肆儀為位都宗人國有大故則令禱祠既祭反命于國曲禮曰禱祠祭祀供給鬼神非禮不誠不莊

祭脯禮

族師月吉則屬民而讀邦法春秋祭脯亦如之

愚案大司徒以鄉三物教萬民一曰六德二曰六行
三曰六藝鄉大夫正月之吉受教法于司徒退而頒
之於其鄉吏使各以教其所治族師則各掌其戒令
政事而於斯讀法之時則察其六行書其孝弟睦婣
有學者歲終則會成以待大比是於學者日用飲食
之間既無事而非學羣居游息之地亦無學而非事

至於教養成就德藝交修是皆學術之有統道化之有歸也其所以致人才衆多風俗美盛得無由哉

五祀禮

大宗伯以血祭祭五祀司服祭五祀則希冕小子掌祈

于五祀

案祈玄謂或為創用毛牲曰創創者霧禮之事也創五祀謂始成其官兆時也

司門凡

歲時之門受其餘曲禮天子祭五祀士喪禮疾病行禱

五祀則五祀者自天子至于士皆得祭之祭法王為羣

姓立七祀曰司命曰中雷曰國門曰國行曰泰厲曰戶

曰竈王自為立七祀諸侯為國立五祀曰司命曰中雷
曰國門曰國行曰公屬諸侯自為立五祀大夫立三祀
曰族屬曰門曰行適士立二祀曰門曰行庶士庶人立
一祀或立戶或立竈

鄭康成謂天子諸侯大夫祭五祀戶竈門行中雷蓋
夏殷時制也祭法七祀至一祀謂周制也愚案儀法
制度貴得兼賤賤不得兼貴而諸侯大夫適士祀門
行不得祀戶竈庶士庶人乃祀戶竈何耶况曾子問

篇記天子崩未殯五祀之祭不行既殯而祭則知五祀貴賤通得祭之無疑矣鄭氏凡不可通者皆以為殷周異制似臆度之辭耳且七祀三祀二祀一祀皆不見於儀禮周官今姑缺之又案血祭蓋以陰祀自血起貴氣臭也五祀五色之帝於王者宮中曰五祀鄭謂此五祀者五官之神在四郊四時迎五行之氣於四郊而祭五德之帝亦食此神焉少昊之子曰重為句芒食於木該為蓐收食於金修及熙為玄冥食

於水顓頊氏之子曰黎為祝融后土食於火土考之
春秋昭公二十九年左傳蔡墨曰五行之官是謂五
官實列受氏姓封為上公祀為貴神社稷五祀是尊
是奉木正曰句芒火正曰祝融金正曰蓐收水正曰
玄冥土正曰后土獻子曰社稷五祀誰氏之五官也
對曰少皞氏有四叔曰重曰該曰修曰熙實能金木
及水使重為句芒該為蓐收修及熙為玄冥世不失
職遂濟窮桑此其三祀也顓頊氏有子曰黎為祝融

共工氏有子曰勾龍為后土此其二祀也后土為社
稷田正也有烈山氏之子曰柱為稷自夏以上祀之
周棄亦為稷自商以來祀之

月令春祀戶祭先脾夏祀竈祭先肺中央祀中雷祭先
心秋祀門祭先肝冬祀行祭先腎孟冬臘五祀白虎通
祭五祀天子諸侯以牛卿大夫以羊一說戶以羊竈以
雉中雷以豚門以犬井以豕或曰中雷用牛餘不得用
豚井以魚禮運禮行於五祀而正法則焉曾子問天子

崩未殯五祀之祭不行既殯而祭其祭也尸入三飯不
侑醕不酢而已矣自啓至於反哭五祀之祭不行已葬
而祭祀畢獻而已

案特牲饋食禮祝延尸于奧迎尸而入即延坐三飯
告飽祝侑尸尸又飯至于九飯畢鄭注士九飯大夫
十一飯案此則諸侯十三飯天子十五飯又案特牲
禮尸九飯畢主人酌酒侑尸尸飲卒爵酢主人主人
受酢飲畢酌獻祝祝飲畢主人又酌獻佐食天子崩

未殯五祀之禮不行者以初崩哀感未遑祭祀雖當
五祀祭時不得行既殯而祭者五祀外神不可以已
私喪久廢其祭故既殯哀情稍殺而後祭也其祭也
尸入三飯不侑醕不酢而已矣者今喪既殯不得純
如吉禮理須宜降殺侑勸也故迎尸入與之後尸三
飯告飽則止祝更不勸侑其食使消常數也自啓至
于反哭五祀之祭不行者謂欲葬之時從啓殯之後
葬畢反哭以前靈柩既見哀摧更甚故五祀之祭不

行已葬而祭者謂已葬反哭殯宮畢而行其祭但既葬彌吉尸入三飯之後祝乃侑尸尸食十五故攝主酌尸尸飲卒爵而酢攝主攝主飲畢酌而獻祝祝受飲畢則止無獻佐食以下之事郊社亦然王制云天地社稷為越紼而行事是與五祀同也郊社有常自啓至反哭當辟此郊社之日郊社尊故辟其日不使相妨五祀既畢若與啓反哭日相值則五祀辟其日也天地社稷去殯處遠祭時違越此紼而往赴之故

去殯近暫往則還故不為越紼也唯嘗禘宗廟俟吉
故王制云喪三年不祭是也


祭厲禮

祭法泰厲公厲族厲春秋左傳昭公七年鬼有所歸乃
不為厲

儺禮

月令季春命國難九門磔攘以畢春氣季冬命有司大
難旁磔出土牛以送寒氣方相氏帥百隸而時難以索

室毆疫郊特牲鄉人禘孔子朝服立于阼存室神也



經禮補逸卷三